

21 MAI
RUGACIUNEA
SF. CNEJI
CONSTANTIN, MIHAIL SI TEODOR
DE LA MUROM

Молитва

О храбрый воине и избранный воеводо
Небеснаго Царя Христа! Победивый прелесть
идолослужения силою Святаго Духа, и
просветивый град Муром святым крещением,
святой благоверный княже Константине!
Усердно предстояще честней раце
многоцелебных мощей твоих, со слезами молим
тя, просяще прияти нам твоим к Богу
ходатайством грехов оставление. Предстани,
святе, яко имеяй дерзновение ко Святей Троице,
и подвигни с собою на молитву преудобренныя
своя две отрасли, плод честнаго семени твоего,
благовернаго князя Михаила послушнаго тебе до
смерти, и кровь свою пролившаго за град сей,
и яко незлобиваго агнца заколена бывша
(тщашеся бо тьмы душ обратити ко Господу
спасаемых), и благовернаго князя Феодора,

ревнителя благочестию. Испроси своими молитвами Богохранимем стране нашей и людем, мира, здравия, долгоденствия и на враги победы и одоления. Еще со слезами смиренно просим: сохраните, блаженнии, невредим град сей, егоже возлюбисте и свободисте от работы демонския. Обитель же сию, и живуция и труждающия в ней, соблюдайте невредимо от всех козней и стрел демонских. Даруйте, святии, царствующим градом, граду сему, всякому граду и стране мирное и немятежное житие и изобилие плодов земных. По морю плавающим и путешествующим, и к раце мощей ваших с верою прибегающим, безбеднии правителие будите: злых свобождение, мирное и радостное в дома их возвращение, молитвами вашими даруйте, да вси с радостию взываем: О благовернии наши заступницы! Соблюдайте всех без напастей, да вси, прибегающе с верою к цельбоносней раце мощей ваших исцеление душам и телесем нашим приемлюще, прославляем вас, наша заступники, славяще Отца и Сына и Святаго Духа, ныне и присно, и веки веков. Аминь.